



Pou Piblikasyon Imedya: 23/10/2023

GOUVÈNÈ KATHY HOCHUL

GOUVÈNÈ HOCHUL ANONSE DLO RETABLI NAN VIL WATERTOWN, YO ANILE AVI DLO BOUYI AK AVI KONSÈVASYON

Gouvènè Kathy Hochul jodi a te anonse ke yo deja ofisyèlman leve Avi Dlo Bouyi ak Avi pou Konsève Dlo, ki te pwovoke pa yon dènye ripti konduit dlo. Kalite dlo a te byen teste epi apre konsiltasyon avèk Depatman Sante Eta New York (New York State Department of Health, NYSDOH), yo te konfime ke li satisfè tout estanda eta a ak federal pou dlo potab yo.

"Ijans toudenkou tankou sa Watertown a sot fè fas la egzije kowòdinasyon ak koperasyon sou plizyè aspè –gras ak repons koyeran Vil la ak rKonte a, sa a te rezoud byen vit epi ak efikasite", **Gouvènè Hochul te deklare.** "Mèsi pou moun ki sakrifye tan yo nan travay sou non vwazen yo epi nou di mèsi ak moun yo nan Watertown ki konsève dlo pa yo avèk gras. Nou rekonesan paske tout bagay retounen nan lòd."

Aprè ripti konduit dlo a, ekip dedye yo nan vil la, eta a, ak sektè prive yo te travay san pran souf pou fè reparasyon ak restore sistèm dlo a, asire sekirite a ak disponiblite nan rezèv dlo nan vil la. Atravè efò dilijan yo, yo te pran prekosyon ki nesèsè yo pou pwoteje entegrite rezo distribisyon dlo a, sa ki pèmèt rezidan yo ak biznis yo rekòmanse itilizasyon dlo nòmal san okenn restriksyon.

Manadjè Vil Watertown Ian, Ken Mix, te deklare, "Nou rekonesan pou pasyans ak koperasyon nan kominote a pandan tan difisil sa a. Repons rapid ak efò kolaborasyon mendèv kalifye nou yo te pèmèt nou rapidman adrese sitiyasyon an epi asire sekirite ak disponiblite rezèv dlo nou an."

Vil Watertown rete angaje nan bay bon jan kalite sèvis dlo ak kenbe byennèt rezidan nou yo.

###

Lèt nou vèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)